

四庫全書

史部

欽定四庫全書

欽定大清一統志卷三百三十四  
史部

檢討臣翁樹培覆勘

總校官檢討臣何思鈞

福

廬

府

圖



林 頌

松漢界

政和界

古山界

界派羅



福寧府表

兩運

王國

晉

宋齊

梁陳

隋

唐

五代

宋

元

明

府率福

會稽郡治  
地

溫麻縣  
太康三年  
置屬晉安  
郡

溫麻縣

溫麻縣  
梁廢為閭  
縣地

武德六年 復置溫麻 縣旋併入 連江長安 二年又置 屬福州天 寶初更名	長溪縣 長溪縣 屬王閩
--	-------------------

福州府志

震

治標地

溫麻縣地

長溪縣地

福寧州治福寧州治

時

治隸地

溫麻時地

長溪縣地

福州地 福州地

時

治縣地

溫府縣地

長溪野地

福安縣

福安縣

福安縣

安縣	寧德縣	壽寧縣
治縣地	治縣地	治縣地
		遷安縣地
	遷府地	
	長溪古田 二縣地	
	寧德縣 王開龍政 九年置屬 長樂府	
淳祐四年 改屬福州	寧德縣 屬福州	政和福安 二縣地
改屬福寧 州	寧德縣 屬福寧州	
初復屬福 州府成化 中還屬福 寧州	寧德縣 初屬福州 府後仍屬 福寧州	壽寧縣 景泰六年 置縣屬建 寧府



欽定四庫全書

欽定大清一統志卷三百三十四

福寧府

在福建省治東北五百四十五里東西距三百六十里南北距一百七十里東至海二百

里西至福州府古田縣界一百六十里南至海一百里北至浙江温州府泰順縣界一百七十里東南至海一百里西南至福州府羅源縣界一百六十里東北至温州府平陽縣界二百里西北至浙江處州府慶元縣界二百九十里

自府治至

京師七千二百里

分野天文牽牛須女分野星紀之次

建置沿革禹貢揚州之域周為七閩地後屬越秦為

閩中郡地漢為會稽郡治縣地晉太康三年分置  
溫麻縣屬晉安郡宋齊因之後廢為閩縣地唐武  
德六年復置尋併入連江長安二年又分置溫麻  
縣屬福州天寶元年改曰長溪五代宋因之元至  
元二十三年以縣置福寧州屬福州路明洪武二  
年州廢為縣成化九年復陞為州直隸福建布政  
使司領縣二

本朝初因之雍正十二年升為福寧府屬福建省領

縣五

霞浦縣

附郭東西距一百十里南北距二百二十里東至福鼎縣界七十里西至福安縣界

四十里南至海一百里北至福寧縣界一百二十里東南至福寧縣界六十里西南至福安縣界五

十里東北至福鼎縣界一百里西北至福安縣界六十里晉溫麻縣地唐為長溪縣地五代宋因之

元至元二十三年升縣為福寧州明初廢州為福寧縣成化中復為州本朝雍正十三年升州為

府置霞浦縣在府東北二百里東西距一百里為府治福鼎縣在府東北二百里南北距一百五十里東

至浙江溫州府平陽縣界九十里西至溫州府泰順縣界七十里南至霞浦縣界一百十里北至溫

州府平陽縣界四十里東南至海七十里西南至霞浦縣界七十里東北至溫州府平陽縣界四十

里西北至温州府太順縣界五十里本霞浦縣望海有仁連江遙鄉四里地本朝乾隆四年析置

### 福安縣

在府西一百十里東西距八十里南北相距一百三十里東至霞浦縣界四十里西

至寧德縣界四十里南至寧德縣界七十里北至壽寧縣界六十里東南至霞浦縣界一百里西南

至寧德縣治一百三十里東北至霞浦縣界一百里西北至壽寧縣治一百二十里晉溫麻縣地唐

為長溪縣地宋淳祐四年始析置福安縣屬福州元至元二十三年改屬福寧州明洪武二年改屬

福州府成化九年還屬福寧州本寧德縣在府朝初因之雍正十二年屬福寧府西南

一百十里東西距一百五十五里南北距二百五里東至下浦縣界三十五里西至福寧府古田縣

界一百二十里南至福州府羅源縣界十五里北至壽寧縣界一百九十里東南至海二十里西南

至羅元縣治七十里東北至福安縣治一百三十里西北至建寧府政和縣治三百四十里晉溫麻

縣地唐為長溪古田二縣地開成中析二縣兩鄉置感德場五代閩置寧德縣屬長樂府宋屬福州

元改屬福寧州明初屬福州府成化九年遷屬福寧州本朝初因之雍正十二年屬福寧府

**寧縣**

在府西北一百六十里東西距一百九十里南北距一百八十里東至福安縣界九十里

西至建寧府政和縣界一百里南至寧德縣界一百里北至浙江處州府景寧縣界八十里東南至

福安縣治一百二十里西南至寧德縣界一百四十里東北至浙江溫州府太順縣治一百四十里

西北至處州府慶元縣治一百九十里三國吳建安縣地宋為政和福安二縣地明景泰六年始置

壽寧縣屬建寧府本朝雍正十二年改屬福寧府

形勢東南襟帶大海西北控扼崇山

郡志

左為甌括右

為今福興州境突出海中獨當東南北三面之衝

舊州

志

風俗州境僻陋君子則業伊吾小人則業畊佃瀕海

者謀生于網罟居山者作計于竹木人情不善商

販

舊州志

城池福寧府城

周四里門四東北隅有水門濠廣三丈明洪武四年創築本朝順治十

二年重修乾隆十二年十

福鼎縣城

周二里許門四城根水竇

五年二十四年重修

四洩城內水于兩溪 本朝乾隆四  
年設縣因明嘉靖間置石堡新築 福安縣城 周

里一百五十四步門四又增立小西門明正德元  
年築 本朝順治十八年修雍正三年乾隆九年

十六年 重修 寧德縣城 周三里二百六十四步門四又  
增開小東門環以濠明正德元

年築 本朝雍正九年 修乾隆二十五年重修 壽寧縣城 周四里一百步  
門四水門二明

宏治三年築 本朝  
乾隆二十五年重修

學校 福寧府學 在府城東南宋時長溪縣學在府治  
東慶厓間徙菱湖即今地 本朝康

熙雍正年間屢修乾隆十九 年重修入學額數二十名 霞浦縣學 在縣治  
本朝乾隆

元年新建十九年 修入學額數八名 福鼎縣學 在縣南郊 本朝乾  
隆六年新建十九年

年修入學  
數七名

福安縣學

在縣治南重金山之麓宋時建學龜湖山元景度中徙邑

東明正德間復建于舊址嘉靖十三年移今所  
本朝康熙十一年重建雍正三年乾隆十六年十

九年重修入學  
額數十名

寧德縣學

在縣治南宋嘉祐三年始建講堂至嘉定間規

制始備明洪武中重建  
乾隆二十四年重修入學

本朝康熙九年  
額數十二名

壽寧縣

學

在縣治東明景泰中與縣同建  
乾隆十一年拓建入學  
額數八名

藍溪書院

在府學右  
本朝乾隆四年建于東社名藍溪書院  
二十二年改建今所更今名二十四年郡守李

拔撥田以充膏火又福鼎縣桐山書院在縣治東  
福安縣紫陽書院在縣治東寧德縣鶴峯書院在

分司舊址各縣俱設有社學又舊志載霞浦有東  
青書院正學書院福安縣有環溪書院興文書院



院晦翁書院寧德縣有靈谿

書院廣福書院附識於此

原額軍民人丁三萬九千三百九茲生丁人二萬八千七百三十六新增屯丁三百六十七

田地四千九百五十二頃三十二畝零屯田地四百二十一頃六十三畝零窳微銀五萬四百二十三兩九錢五分零米九千三百三十二石九斗八升四合零

### 山川松山

在霞浦縣東十里下有松山港昔時風濤險惡後流沙漸合有徑可行明正統九年

徙置烽火寨於山下其對峙者曰後崎山山全體皆石巨細磊砢爭奇競秀

### 筓山

有二一在

霞浦縣東二十餘里山之下有虞溪洞一在福安縣東南三十里上有紫藤峰岡巒峭聳紫翠參錯為縣勝地

### 場裏山

在霞浦縣東七十里亂峰連鎖峭曲僻隱明嘉靖中倭亂人逃入此者俱得免其下即烏

崎港

也

### 洪山

在霞浦縣南三十里峭拔凌空望温台如在掌上縣南極高山也舊傳葛洪嘗隱此故名山

有石洞洞口清泉一泓通於海名曰

### 牛跡山

在霞浦縣南四十五

海眼其東有鼓樓山故温麻縣治此

五里山脊兩凹相向如牛蹄跡溪水圍繞至其跡痕則沒

入地中潛流四十餘丈滔滔有聲雖霖雨彌旬上可步履

過此則水復出舊志又有山曰漁洋埕東西皆海形如蜂

腰東曰上限西曰下限相去甚近而隔絕不通故以埕名

### 霞浦山

在霞浦縣南四十五里下臨霞浦江中有青黑元黃四嶼日出照映江水如霞故名羅浮

山

在霞浦縣南五十五里海濱相傳此山浮海而來泊船山下可避北風若南風則石崖齒齒難近明嘉靖

三十年倭賊流劫羅浮官軍禦却之即此舊志旁又

有石筍山峰巒聳秀山有清泉又南曰文崎山與武

崎山並峙海中廣袤五里周圍

### 南金山

在霞浦縣南七十五

皆海上有玉井鍾冠於諸峰

里何喬遠閩書廣東二十里一名大金山前有保  
老中峯二山南北相向又南曰小金山其支峰曰

劍岩山上  
**龍首山**  
在霞浦縣北為府治主山山脈  
分為五派又名五葉蓮花山其

山前挹長流東抱華峯西接蓮坡水光山色映帶  
城郭山巔平坦千丈其西有井廣文許水清冽可

愈疾號曰聖水舊志龍首之東有金字山入福  
鼎縣界為城東主山又東曰獅山為州左護

**嶺山**  
在霞浦縣東南閩書在松山東南海中斷嶺  
一名屏風嶼舊志明嘉靖三十八年倭賊窺

犯州境恭將黎鵬舉等擊敗之于屏風嶼又有七  
星山七石浮立海面嘉靖中官軍嘗敗倭于此

**崙山**  
在霞浦縣東南海中山高而中均形如鉢孟  
舊名孟山中有三十六澳地肥饒居民稠密

明洪武間周德興以其孤懸海中盡徙其民于內  
地澳遂荒廢舊志海中有臺山官澳山屏風山

筋竹山四龍山皆在烟波浩淼中難  
計里數屏風山之東有舊烽火門  
浮屠山在霞

西南官井洋中舊謂之浮瀛山上有四澳控扼海  
道宋元時居民蕃庶明洪武二十一年周德興奏

徙其人於大金山地遂  
荒廢其西為水澳山  
瓢峯山在霞浦縣西南十

里以產瓢瓜得名  
山水清秀人  
多遊眺其上  
四城山在霞浦縣西南五十五里亦

石黑色名鐵印山下多屯田軍  
營其東隔溪曰小馬山有堡  
小洪山在霞浦縣

里以高峻亞於洪山而名亦曰紅山上有石洞有  
天池濶二三畝四時不竭曰龍潭有大小風門天

欲雨則吐霧又西有白貌  
蓮花山在霞浦縣西北  
山山脊與寧德縣分界  
為縣西主山亦

曰明仙臺山在霞浦縣西北二里閩書岩中  
宗山有古刻慧山泉通仙臺六字  
望海

山

在霞浦縣西北七十里去海百餘里勢極高峻  
上有石池四時不涸旁有鐵渦山下有龍井

飛來山

在霞浦縣西北一百二十里高聳入  
雲上有石巖軒豁幽邃人稱仙洞 柘洋

東山

在霞浦縣西北一百二十里東望海外數百  
里諸山皆在履舄之下懸崖聳削春深積雪

不消明置巡司于此山有石洞 福鼎山

在福鼎縣  
西南脈自

浙江平陽縣赤洋而來亦名北嶺最高大諸山皆  
發於此相近有龍鳳山山有合掌巖兩石相倚下

可容三四十人又有金嶼門 桐山

今福鼎縣治平  
坡寬廣舊產桐

故名與浙江平陽縣接界山東有雙髻峰北有伏  
虎岩又五蒲山嶺極險峻有兵戍守為浙閩要隘

福全山

在福鼎縣東二里其上曰蓮花岡下曰龍  
山為縣左護衛東而南曰鐵塲山曲而上

曰南陽為

**鐵障山**

在福鼎縣西壁立千仞其色如鐵相接者為馬冠山一名昆田

山山勢連

**草堂山**

在福鼎縣西舊名靈山唐末林亘數千里

有黃崎山貫入海中有堡

**大姥山**

在福鼎縣南祝穆方輿勝覽在

又有屏風山為黃崎之障

長溪縣王烈端桃記云堯時有老母得九轉丹法登仙于此有三十六峯州志在州東北一百里高

十餘里周四十里東西北三面皆海舊名才山其山秀拔得名者四十五峯摩霄其絕頂也自摩霄

而下千岩萬壑瑰奇靈異藍積穀山在福鼎縣南溪水出此唐薛令之有詩

我有清泉一泓取泉禱雨多獲豐年故名旁有風桐山壽山又有蓮花嶼金嶼西山高峙如門相近

**芟陽山**

在福鼎縣東南一名高場又為巽成山車

頭山魚山

**芟陽山**

在福鼎縣東南一名高場又

鶴山

在福安縣東舊在城中明嘉靖時倭寇逼城議者以城曠難守截出之萬厯九年拓城環

于山嶺二十一

龜湖山

在福安縣西平地突起與鶴山對峙下有龜湖明萬

年仍復故址

厯中築城依山斷湖城外

仙境山

在福安縣西十五里峯巒峭拔

造壩以限之其北有龍山

怪石崖峩巖洞寬豁有

福源山

在福安縣西二十五里上有三峯高

石門天成為神仙窟宅

聳如鳳翔千仞名鳳翔峯又獅子岩幞頭岩諸勝

下為穆溪亦曰穆洋稍北有玉案山山徑平坦上有玉

有玉洞

聳秀山在福安縣南奇特園好又

三公山

在福

安縣南二里一名三台山

辰山

在福安縣北列峙如床為縣主山

旁有石塔俗呼文筆山

馬頂山

在福安縣東南五里其山首尾高聳中央平凹頂朝縣治若奔馬之狀相近有五馬

峯又東二十五里有鳳山

芹山

在福安縣東南四十餘里中有石室

容數十人上有城山

在福安縣西南十五里舊志唐末鄉人築城于此以避黃

巢之亂故名明萬厯中嘗議遷縣治於此上有靈巖下有雙劍水交流亦曰廉溪相近曰湖山絕頂

有積善巖下有石龍潭

銅冠山

在福安縣東北四時雲氣東

山在福安縣東北七十里有天池亦名天池山下有銀坑

崑崙山

在福安縣西北五十

里峻削萬仞上有天池相近有葛蒲山

碧山

在寧德縣東蜿蜒官尾

山在寧德縣東二十五里海濱地勢舒坦土壤饒沃相接者為危崎山山下有官井三江三渡諸

洋出洋即渺茫大海亦名危嶼

白鶴山

在寧德縣西一里許俗名西山秀拔千仞南連飛鸞



北接蓮花諸峯旁有石洞山下懸崖峭壁空洞幽  
深可空數十人泉水清冽是為龍湫山南有南山  
滌飛泉百丈望之如銀河倒瀉山西南為白鶴嶺  
道通羅源石磴峻嶒紆迴百折盤曲而上海上諸  
山皆入延眺嶺北有黥井味甘美四時不竭又西  
五十里為石碑山山石皆溫潤有一石突出如碑  
相近有保青山棋盤  
山又十里有白象山  
勒馬山 在寧德縣南二十里  
東接飛鸞南俯大海  
奇峯拱挹  
城澳山 在寧德縣南二十里四面環遠  
為縣案山如城郭然內有南北中三澳可  
容萬人然四際皆海中無所產人跡罕到相近有  
真龜山遠望若屏風上有一石如龜憑岩左顧  
霍童山 在寧德縣北七十里列仙傳作霍童山樂  
史太平寰宇記在長溪縣西一百五十里  
云是列仙霍童遊處天寶六載勅改為霍童山亦  
曰遊仙山高七里岡巒甚遠山頂一峯如香爐半山

一峯名霍童上有壇壇上石甕盛水雨不溢旱不竭下有湧泉味甘如蜜方輿紀勝洞天記所謂霍林洞天是也唐武后時司馬煉師于此修煉後駕鶴仙去遂賜名鶴林三山志沛國王元甫吳郡鄧伯元言官褚伯玉曾于此修白下丹景之法杜光庭以為第一洞天白玉蟾云此山周環九十九峯名著者三十六最勝者四十八名山記山高三千四百丈周三百里王閻時嘗封為東岳通志山南有蘇溪鶴嶺北有菩薩紫帽大童小童左右弼諸峯又有寶劍岩霍林赤城二洞有都金湖旁近田資以灌溉又有甘露坑海鱸井奇勝錯出山東別峯曰高蓋山洞天正在其下山西有支提山峰巒圍繞巖谷幽鳳山在寧德縣北一百二十里卓立深更為奇勝萬仞旁分兩翼如鳳上有池又縣東北二十五里有驢金甌山在寧德縣東南十里形如驢駒奔馳入海六里四際平曠一

峯突起潮漲時若金甌浮于水面與酒嶼表  
獼毛嶼大小金崎諸嶼絡海中為縣治羅城梅溪

山 在寧德縣東南二十里飛鸞嶺東前有筆峯  
後有屏山鸞溪遠其下相接者曰楊溪山 白

石山 在寧德縣東北三十里山中 石堂山 在寧德  
石無大小皆瑩然如玉故名 縣西北

一百二十里有石窟如堂故名其主峯名唐山形  
如獅俗呼嘯天獅子絕頂有棋盤石左有石屋山

上有嶺路可通田下有水名石塘亦曰  
塘溪匯為蛟潭東麓有雙柱翠屏諸峯 叢珠山 在

寧德縣東二里峯巒重疊磊磊如貫珠又東三里有  
香爐山又東十五里有仙峯山又東二十五里有

駐蹕山 在寧德縣東一百十里地名梧桐山峯  
漸 夫削如筆即浙江泰順縣儒學對山也

天馬山 在寧德縣西一里 大蜀山 在寧德縣西二十  
勢騰躍如奔馬狀 里亦名大熟山

山蟾溪  
**巖山** 在壽寧縣西四十里  
土名托溪四面如壁  
**翠屏山** 在壽寧縣南二

里其狀  
如屏  
**板仙山** 在壽寧縣南二十里上有石洞深  
二丈餘中有岩石如乳相近有醵

托山俗名  
**羅家山** 在壽寧縣南七十里山峯高聳  
大嶂山 半隱雲霧下又有谷林銀坑

**童山** 在壽寧縣南八十里禾溪出  
馬又南三十里有孤長山  
**鎮武山** 在壽寧縣北

之主山也聳秀甲于  
境內俗又名真武山  
**立茂山** 在壽寧縣北二十里  
漁溪出此又北五里

曰古鼎山下  
有石柱數丈  
**百里林山** 在壽寧縣北一百里林木  
茂密官臺山路經此上地

溪出  
焉  
**馬鞍山** 在壽寧縣東南五十  
里古有銀坑鉛冶  
**高山** 在壽寧縣

孤峯峭拔高出羣  
山之表茗溪出焉  
**東山** 在壽寧縣東北十里登之  
可望浙閩二界鐵梗溪出

馬官臺山

在壽寧縣東北八十里古號黑風洞下有銀坑明正統中礦賊鄭懷茂等嘯聚

於佛際山

在壽寧縣西北三十里屏溪出焉稍西有榧子尖山山岩有石乳流出即雨下

有龍潭

台州嶺

在霞浦縣東二十里第山西南今取道於嶺西麓

楊梅嶺

井銀坑

在霞浦縣西南三十里舊產楊梅東抵九里亭西

至十八溪山徑崎嶇宋嘉定十六年縣令楊志忠

平犂角甃以石名楊公路

頭陀嶺

在霞浦縣東北六十里北連九嶺崎嶇險峻宋特有王頭

陀砌嶺成路故名嘉定中縣令楊志用石甃平亦名楊公路

梨溪嶺

在霞浦縣西北三十

里上產梨木故名下臨池清溪相近者曰牛岫嶺

家嶺

在霞浦縣西北四十里中有古澗深

百餘仞又有石門俗呼仙人洞又縣西北八半嶺十里有南樓嶺縣北一百三十里有石馬嶺

在福鼎縣北二十里為往來通道**分水嶺**在福鼎縣北四十里為浙閩之界嶺旁有錢馬

坑小葉桐坑舊有銀樓雲嶺在福鼎縣西十五里坑二鐵坑八今皆廢雙髻山當往來之道

**牛嶺**在福安縣西三十里與寧德接界路通建延置隘口**金雞嶺**在福安縣南四十里

為五路之會一名五大萊嶺在福安縣東南一百嶺有隘口為戍守處二十里一名大梨嶺

有隘為戍守處**觚嶺**在福安縣西北七十里舊傳相近有雙巖嶺宋韋嶺司置於此按舊章

嶺巡司在縣南二百餘里近**飛鸞嶺**在寧德縣南寧德之飛鸞渡非此觚嶺也十五里接羅

源縣界形如飛鸞展亦與勒馬梅溪諸山岡脈相接逶迤曲折而達羅源**新嶺**在寧德縣北一

百六十里路通壽寧縣高者曰大新嶺次曰小新嶺上有飛流瀑布人過其下雖盛夏亦蕭爽如秋

麻嶺

在寧德縣北路通改和壽寧二縣

隱仙嶺

在寧德縣東北二十里中有石室號

鬼洞時聞呼嘯聲又埔嶺在

縣東北三十里下有東墻渡

石壁嶺

在寧德縣西北十里與石

鐘山相近石壁峭拔高入雲霄舊志嶺下有溪與瑞迹溪環遠里中謂之雙溪溪旁小山曰龜嶼與

石壁相連青竹嶺

在壽寧縣南二十里道出寧德登涉甚艱源底溪出此

彈子嶺

在壽寧縣北五十里有石竇萬計中出彈大如雀卵取之不竭

西表嶺

在壽寧縣西南三十

里平溪出焉

華峰

在霞浦縣城東門外下有雷壇元末州戶王伯顏與山賊王善賊兵敗見

執即南峯

在霞浦縣南三里頂岐為三亦曰三台山有白岩崖壁峭拔中有龍井其水流

繞南山資以溉田

石壁峯

在霞浦縣南四十五里石形如笏壁立千仞春夏青碧如畫

天柱峯

在福安縣東南一百二十里有巨石端方而高勢若擎天之柱故名瑞峯

德縣縣東三十里海中秀拔萬仞與白鶴山對峙今縣治向東以此為案山少南有黃灣峯高峻相

並文筆峯

在寧德縣西五十里其尖如筆秀拔萬仞展旗峯在寧德縣西六十里

白象山西形如旗幟展風西鄉諸山皆本於此相近有鐘峯下有太湖水深莫測玉女峯

在寧德縣城正南四際小山森立一峯突起烟雲蒙翳玉屏峯在寧德縣北二百餘里兩

峯秀拔峻入雲霄上豐下斂形狀奇崛雖猿猴莫能上五馬峯在寧德縣東南二十里縣

南諸山勢皆東趨海濱垂盡處忽五峯突起高出海上為縣門戶蘆坑峯在寧德縣東北

二十五里石峯屹立二水夾流境極幽勝中多仙跡蓮花峯在寧德縣西北如蓮花萬朶青



翠挿天俗呼

百辟巖

在福安東南五十里又相傳

為金字峯

師於此因名又縣東南一百十里

寶生巖

在福安縣西南

二十里有三石巖石形如笏面有紅暈

更漏巖

在福

安縣西北五十里兩峯屹立有瀑布懸崖

白公巖

百餘丈其聲遠聞如更漏然俗呼百丈漈

萬石巖

在

在福安縣西北五十餘里有石室廣數丈俗稱靈澤夫人洞鄉人多於此禱雨

響山巖

在寧德縣北一百十

德縣東三十里石巖如室可容數百人兩崖之間有石橋橫跨

響山巖在寧德縣北二百十里石

里兩山對峙人語則山谷響應

顯聖巖

在寧德縣北二百十里石室可容數百人旁有石爐

峯顯然泉天然

巖湖障

在福安縣西北五十里高

池靈岩井等勝

平如掌半岩有穴可容數百人下有湖  
名曰巖湖又鐵仙障在縣西北八十里  
竹嶼在霞浦縣

西南六十里突出海中形勢奇突潮退泥濘中有  
沙徑長一里可行地無田民皆業漁有堡相近者

為孤山明嘉靖三十五年倭賊自秦嶼在福鼎縣  
寧德通入州界官軍追敗之於此秦嶼在福鼎縣

為戍防要地實海在霞浦縣南百里福鼎縣東南  
舊巡司置於此海七十里寧德縣東南二十里福

鼎東北接浙江溫州府平陽縣界寧德西南接福  
州府羅源縣界舊通志潮汐入福寧州境者凡五

派一自松山港口一自烏溪港口一自劍港口一  
自怯港口一自沙埕港口入寧德縣境者凡五派

一自南門橋一自跨鰲橋一自藍田渡一自東墻  
渡一自銅鏡渡舊志州境海環三面其在東北者

三沙海形勢陡絕最為險要  
沙埕岩稱首衝秦嶼次之  
官洋井在寧德縣東北三十里合

福安霞浦諸水瀦為大洋入海三山志官井洋港源出龍泉縣流出黃崎鎮與政和古田羅源諸溪同匯于官井洋風濤險惡號三港口東入海縣志在二都庵崎山尾洋底有井故名又三江洋在庵崎山中段乃埔村港黃崎港會流之地又三渡港在庵崎山側呼為內港又青山洋呼為鐵墩門遇三江入北長溪自浙江温州府泰順縣流入府境洋出大海經壽寧縣東南流曰交溪又南經福安縣城東曰東溪遶城而南西會西溪水亦謂之環溪又南至三港口西與穆溪水會東南流經霞浦縣西五十里與寧德縣接界又南至白馬門入海唐時因此溪以名縣李吉甫元和郡縣志長溪在縣西南四十五里舊志出三港口曰江又南曰六印江下流為甘棠港芭蕉洋至古鎮門入海自三港口而上皆曰溪自三港口而下皆曰江出古鎮門則為海按輿圖溪源出于泰順之龍溪

白溪二水舊志於福安以東西二源俱出慶元於壽寧又以屏溪為東源北溪為西源皆誤屏溪北

溪俱合入

**屏溪**

一名西溪源出壽寧縣北佛際山東流合龍潭水又名局下溪受鐵

長溪耳

梗溪上堤水漁溪諸水又東南流經福安縣西繞城而東與東溪合于城南按輿圖此即平溪而

舊志及通志又皆謂平溪出壽寧縣西南之西表

嶺流經福安縣西北五十里合東溪又蟾溪在壽

寧縣南源出大蜀山東流合

**秦溪**

源出霞浦縣西

茗溪源底溪入福安縣界

鍾龍井西流經福安縣東入長溪逶

**大梅溪**

源出霞浦

縣西北五十里杉洋西流經

**倒流溪**

在霞浦縣東

福安縣東南四十里入長溪

都界烏巖西流至縣東十五里赤

**楊家溪**

在霞浦縣東六

岸以其西流故名通志旁有堆溪

十里相近有飯溪下流入烏溪  
港通志又東二十里為楊柳溪  
杯溪在霞浦縣西北三十里下

場溪在縣西四十里通志縣西  
西溪下場溪虎溪其流匯于官  
井洋藍溪在福鼎縣南源

出大姥山通志每歲八月溪色  
變藍其時取水染帛最佳又九  
都吉溪亦名藍溪大蘭溪

在福鼎縣西南秋時水至溪石  
可煉為礬又桐山溪續通志疑  
即夾城溪又暗溪俱在縣西南  
源出

泰順縣界按輿圖此三夾城溪  
在福鼎縣西南源出泰順縣南  
流至沙埕港入海源自浙江泰  
順

縣歷南尾南溪達縣之北門抵  
城東本朝康熙三十八年築隄  
雍正乾隆年間屢修穹窿

溪在寧德縣西六十里三山志  
官井洋一源出古田山谷合周  
仙湖東流為穹窿溪又東為哺  
溪

又東為浚尾經赤鑑門匯于洋  
縣志有環溪在寧德縣西六十  
里源出古田界流合穹窿溪舊  
志有

唐溪在石堂山下亦流石馬

按輿圖有龍溪出

古田縣東北界東流經寧德縣西北又東經城北

又東至馬鞍山塞東入海當即

穹窿溪龍溪音相近而訛也

云官井洋一源出羅源飛泉

渡出於三嶼之右匯于洋

崖下插萬木交蔭俗呼梧桐溪

縣西北之馬嶺東南流至縣北雲淡門東入海

外

渺溪在寧德縣西北一百十里東南流經縣北金

垂塞東入海三山志官井洋北源出政和縣

界至外渺程家渡南合甘露溪茲溪經深埔渡至

長境平分為二潮至金垂會于洋

按輿圖是外

渺溪東西二源並出溫州府廈元縣東流入壽寧

西界合而南至寧德府境巨流長溪之外此水源

流甚

油溪在寧德縣西北十里亦曰油溪三山志

遠官井洋一源出古田至游溪合羅源山

溪至溪口村同出三嶼寨之左匯於托溪在壽寧縣西四

洋縣志有金溪源出羅源入油溪十里舊志源出慶元縣界桃嶺流合芹洋溪入福

安縣界一名大溪又丹溪在壽寧縣西南源出縣

西北八十五里峽頭山東南流合九嶺溪由芹洋

溪入大溪又禾溪在壽寧縣南源出牧童山流入

寧德縣界接托溪即穆溪以其流經福安縣西

三十里穆洋而名也又東至廉首村曰廉溪又東

合大溪曰三港口舊志穆溪源出松山港在霞浦縣東南

政和縣牛嶺竇與托溪異源同流

三山志在筋竹山西舊志有二源一出州東一出

州西至沙塘合流南入海又霞浦江在縣南四十

五里上流曰沙埕港在福鼎縣東南三山志源出

硯江通潮溫州界至桐山東入海舊志

桐山溪相近有董江上流

通白水江即沙埕舊港也

怯港

在福鼎縣西八十里一名怯門港又

有劍港一名瀨港在縣東百里下流俱入海

**烏崎港**

在福鼎縣西稍南七十二里受楊家

溪水入海舊志縣出蕉洋一百五十里至烏崎向峯火門入海蕉洋即柘洋在州西北一百二十里

州志港北為青灣司

**玉湖**

在福縣南南大姥山之麓

**東湖**

在寧德縣城東山高水迅宋淳

祐九年縣令李澤民鳩工築堤起附馬塘至藍岫長二百餘丈周九百五十餘步旱澇有備民號曰

李公

**霍湖**

在寧德縣北九十里霍童山下一名渚坪湖隋時邑人黃鞠鑿通溪水長一里

許廣百餘丈溉田千餘頃湖源深遠大旱不竭

**赤鑑湖**

在寧德縣東北二十里一名西陂

塘元祐四年里人林珪築田作堰堰壅田七百四十八頃後淪于海宣和七年縣令褚惇叙重修不

就後又

**周仙湖**

在寧德縣西北百餘里岩峯之上相傳有周仙者得道于此故名鄉



田賴其灌溉

### 桐山陂

在福鼎縣治地高少泉宋慶厯間土民障江流設水車溉田至今賴

之

### 龍潭

在霞浦縣西三十里其水流下白岩又有馬陽水合流為州前溪又一在縣西南五

十餘里源出洪山引入龍灣陂灌田數百畝又結清壩在縣東溉田數百頃

### 翁潭

在福鼎縣

西南源深流午廣鄉田利之

### 日龍潭

在寧德縣西六十里四山環繞中有午日巖下有三

潭岩頭瀑布千尋瀉入潭中而樹木叢密惟亭午有日光故名又西十里有葛地龍潭上有瀑布

### 百丈龍潭

在寧德縣西北石壁嶺有三潭緣石攀藤而上約百餘丈乃得至相近又有險

峻龍潭從石壁嶺沿溪而入地勢險絕

### 五龍潭

在寧德縣北霍童山五潭聯絡相接一名

青龍潭次名洗心池三名千佛沐浴池其下二潭曰浴劍曰落星

### 興慶洲

在福安縣東南

四十里夾兩溪之  
**柘洲** 在寧德縣北一百二十里  
中有良田數頃 山水陡峭險惡難渡土田

稀少居民以鬻鹽為業又有  
**王津東井** 在霞浦縣  
桃花洲在霍童山東一里 西北八十

里平坑底上有怪石穹窿高數十仞井門可容  
一人出入當門在淺門內深不可測相傳有龍

居此

### 古蹟長溪故縣

在霞浦縣南三十里晉置溫麻縣屬  
晉安郡宋書州郡志太康四年以溫

麻船屯立宋齊因之後廢唐復置李吉甫元和志  
長安二年割晉溫麻舊縣北四鄉置長溪縣西南

至福州水路八百里樂史太平寰宇記長安二年  
復置溫麻縣天寶元年始改曰長溪王存九域志

縣在福州東北三百四十五里州志有古縣在州  
南三十里鼓樓山下又有溫麻里在縣西北界

洋行縣

在寧德縣北一百六十里即明初麻嶺鎮故址嘉靖四十年倭陷城東洋之民乘亂

肆掠知縣林時芳以其地僻民頑請建行縣于周墩分主簿駐之一方賦稅就地徵收民以安輯後

罷福寧故衛

在霞浦縣治東明洪武二十年建本朝康熙三年裁

大金故

所

在霞浦縣南七十五里瀕海舊為西曰巡檢司明洪武二十年改置千戶所隸福寧衛城周五

百八十二丈門四本朝康熙三年所裁

韓洋坂

今福安縣治縣本長溪西鄉四境濶絕潮

江踰嶺百姓有急不得亟聞于有司宋嘉定十年士民鄭子化等告分長溪為二漳祐四年始析長

溪之安樂鄉六里靈霍鄉三里置縣於韓洋坂創立基址名曰福安

感德場

今寧德縣治

宇記寧德縣在福州東北三百里唐開成中割長溪古田兩鄉置感德場王閩升為縣縣志閩特置

縣初議置城於今縣西北十里陳塘洋後楊梅村  
以上疎水輕改置于白鶴洋即今治也

在壽寧縣治本政和縣東境有銀坑數處流民竊  
採往往嘯聚為盜明正統末鄧懷茂據官臺山剽

掠旁縣景泰六年副使沈訥討平之以地勢險遠  
因請析政和之善政鄉東北二里及福安之平溪

等里置縣鹽場在霞浦縣九域志長溪縣有一鹽  
治楊梅村鹽場三山志縣東擢秀里望海里東

南安民里皆有鹽埋又銀場在霞浦縣九域志長  
有鹽田在縣西溫麻里銀場溪縣有玉林一銀場

州志州東北分水嶺旁有黃海黃社二銀坑  
俱在福安縣有劉洋上坪二銀坑皆父廢大銅

場在寧德縣西北二百二十里李家園後山宋元  
祐間發紹熙後廢明洪武十九年重建正德五

年廢又黃柏銅場在縣西北一百二十里新興銅  
坑在縣北九十里坑龍銅坑在縣北九十里坑龍

銅坑在縣西七十里皆宋淳熙中發後廢又八房後洋沿鉛坑在縣北一百六十里宋發尋廢陽護

山鐵坑一名陽陵山坑在縣北一百二十里內場官宋政和間發明因之其地有鐵冶四所

司在寧德縣西三十里華蓋大寶坑在壽寧縣東北官臺山相

近又有錢塘海山奇觀樓在寧德縣城西西山宋瀾場等坑建州志前臨海後倚山

飛鸞勒馬王女金仙見江亭在霞浦縣王象之輿環拱向護呈奇獻秀地記勝在長溪元祐

中令表正規詩江心遠疊通潮浪海飛翠亭在霞外遙分異域疆明統志在福寧縣東

西八里梁大通元年建御風亭在寧德縣宋淳熙并造浮屠以鎮溫麻中建又超然亭在

城西天峯亭在籌邊臺在霞浦縣城東南隅明萬白鶴嶺皆宋建歷間即守陸萬壇築以崇

倭俯瞰山水  
最為雄勝

林嵩草堂

在福鼎縣南大姥山唐林嵩讀書處又嵩故宅在霞

浦縣東十五里赤岸

玉梅堂

在福安縣辰山東宋淳佑八年建左右環植梅花又縣西有錦

屏堂植梅最盛

白蓮堂

在福安縣西洋頭宋淳祐中建明嘉靖間改名環溪書院又廣福書

院在寧德縣西四里梁乾化二年建靈谿書院在寧德縣西一里宋大觀初建

容齋

在福鼎縣

治桐山宋著作郎高壘居此高宗御書容齋二字賜之

薛令之故宅

在福安縣西南

十五里志勝唐肅宗念令之舊德表所居為康村水為康溪山為康嶺以旌之宋朱松有題薛補闕

故居詩舊志舊有靈谷草堂今為靈巖寺又薛寧縣西有南山別業今之讀書上有天池

薛賢

故宅

在霞浦縣東十五里赤岸

楊復故宅

在福安縣南七十里倪僑又寧德縣東亦

有復宅地  
名楊家村  
鄭虎臣故宅  
在福安縣東六十里  
陳普

故宅

在寧德縣西  
北石堂山

謝翺故宅

在霞浦縣治後街又  
福安縣西三十里穆

洋漳檀坂  
亦有翺宅

林聰宅

在寧德  
縣埔源

關隘後溪關

在霞浦縣西北一百二十里柘洋王閩  
時立宋建炎中建寧賊范汝為自政和

來犯里人王褒拒之  
于此賊不得過而去

營嶺關

在霞浦縣南霞浦山  
前有小嶼跨海路通

大山中可容數百人宋紹興中邑人常守此以拒  
海寇又鹽田關在縣西四十里楊梅嶺關在縣西

南三十里南嶺關與松山遙對俯瞰海口舊有砲  
臺設汛防守縣境關隘凡二十餘處而南嶺鹽田

尤險  
要

分水關

在福鼎縣北四十里分水嶺與浙江  
平陽縣接界又烽火門關在大姥山

東北十里為福寧沿海要隘設水師叅將並潞城  
巡司駐守縣境關隘凡十餘處而分水烽火門關  
尤疊石關在福鼎縣蘆江里顧景范方輿紀要疊  
要

白石關

在福安縣南九十里上達縣治下通海口  
為白馬東冲門戶設巡司稽查出入關隘

凡七處而  
白石為要

南靖關

在寧德縣南十五里按羅源縣  
界明嘉靖十五年開闢南路建

設兵守之後行者病其紆遠知縣林時芳改路由  
馬鞍山上達白鶴嶺關北路遂廢今有關門鎮市

縣境關隘凡七處而飛鸞嶺關在縣南二十里乘  
潮百十里可至莖田中經白袍山白馬門等處最

為險

車嶺關

在壽寧縣南四十里車嶺頭又鐵關  
在縣東南五十里又東有絕險關在

火燒岩皆明萬曆二十一年  
建縣境關隘凡二十餘處

桐山鎮

今福鼎縣治  
舊桐山堡置



巡司明洪武中徙於水澳又徙蘆門嘉靖末仍還桐山

### 大箕管鎮

在福鼎縣東南明洪

武二十年築城移蔣洋巡司于此改名嘉靖中又移巡嶼堡在縣東北一百里海濱今為秦嶼巡司

### 清灣鎮

在霞浦縣東五十里西嶺明洪武二十年築城移西白巡司於此改名嘉靖中又移

於牙裏堡在州高東七十里今裁

### 羅鎮

在霞浦縣南四十五里明洪武二十年築城置巡司

嘉靖中移於閩峽堡在縣南五十五里今裁有閩峽市

### 延亭鎮

在霞浦縣南百里明洪武

二十年築城置巡司嘉靖中移於下澣堡在縣南七十五里今裁

### 柘洋鎮

在霞浦縣西北

一百二十里西南去福安縣百里元末有袁天祿率其兄弟據此為泰安社築城周二里元授以江西行省參政明初納款正統六年增置巡司於此今因之

### 蘆門鎮

在霞浦縣西

里明正德末築城移水澳巡司于此嘉靖末又徙銅山堡今改置環溪司在縣西北四十里石

堂鎮

在寧德縣西北一百二十里舊置于麻嶺今移駐此漁溪鎮在壽寧縣東南五十

里斜灘舊置於縣東漁溪屬福安縣明景泰六年移官臺山宏治中又移駐此仍曰漁溪司今因之

烽火門水砦

在霞浦縣東十里松山下舊有巡司明初廢為松山堡正統九年始自三

沙移砦于此增撥官軍以備倭寇今有烽火鎮市

三嶼砦

在寧德縣東三十里宋初建元

豐初移置于蛇崎山接福安福寧三縣界因改名三縣砦明洪武二十一年又移于福寧之松山尋

廢莆門鎮

在福鼎縣東南與溫州接界

黃崎鎮

在福安東南九域志長溪縣又

有黃崎一鎮縣志鎮在縣南一百五十里唐咸通中置稅場於三江口宋熙寧五年徙於此明弘治

十八年以寧德縣東北之長崎為黃崎鎮而改故鎮為白石巡司設城堡嘉靖中置甘棠公館為監

司行部駐節之所萬曆五開隸鎮在寧德縣北九

年又移監運分司於此一鎮三山志鎮在縣麻嶺鎮在寧德縣北二百餘

七十里水滌滌里初移治縣北百六十里之東洋曰東洋麻嶺司宣

德間徙駐涵村嘉靖八年又徙於雲淡門尋又徙於黃灣隆慶初三沙堡在霞浦縣東六十里海濱

復還駐東洋水砦于此撥軍護守正統九年移于松沙埕堡在

山今有三沙市縣境之堡凡二十餘處鼎縣東近浙江蒲門三面皆海商民蘇洋堡在福

輻輳今成鎮市縣境之堡凡十六處南四十五里明嘉靖中置鹽運分司于此今有蘇

洋醴市又三塘堡在縣東南五十里明嘉靖四十

五年置萬厯中嘗議遷縣此地堡凡四處大黍堡在壽寧縣西九嶺溪

十餘處皆明富溪津市在福安縣西南三十里廉萬厯中築村舊名石磯津漁鹽之貨

叢聚于此穆洋市在福安縣西三十里廉溪上游上通建寧鹽貨從富溪過者居積于此亦

秦順諸縣咽喉也

### 津梁金臺橋

在霞浦縣東十里明正德中知州歐陽嵩浚河引赤岸潮繞入城門因建此橋

下設板閘以時啓閉又東門外一里有石湖橋在歐公橋南門外有通濟橋亦嵩所建

鼎縣南門外宋有王氏號仙源者常建三十六橋今皆不詳所在惟此橋獨傳本朝乾隆十六年

重建覆溪口橋在福安縣南泰溪口長四百六十以亭八尺醴水為十一道舊志元皇慶

時建又沙潭橋在六都明正統初建上架飛鸞橋  
亭二十一間其下壘湫傳有神物居焉

在寧德縣南飛鸞嶺下石馬橋在寧德縣北一百九十里元  
建石折而不墜傳為仙跡

堤堰長溪河堤

在府治南明正德十年知州歐陽嵩  
浚河築堤深一丈五尺長一千七百

六十丈兩堤各廣一丈建橋四立開三以時蓄洩  
明季修本朝乾隆二十五年郡守李拔重浚加

築斗門閘

在霞浦縣東門外開化橋下  
宋元祐二年修築溉田萬頃

陵墓隋黃鞠墓

在寧德縣北  
霍童山下

唐薛令之墓

在福安縣  
西南二十

里泉埔山林嵩墓

在霞浦縣  
東岱村

黃岳墓

在寧德縣南二  
十里覆連山下

邱允墓

在霞浦縣  
南馬鞍山

邱最墓

在福安縣西南  
十五里城山

楊復墓

在寧德縣東  
北十五里

王定國墓

在福安縣東南  
百二十里丹澳

林湜墓

在

浦縣賢  
沙里

張叔振墓

在霞浦縣東  
建善寺龍山

楊揖墓

在福鼎縣  
南墩村

余復墓

在寧德縣北  
八十里東山

林駒墓

在寧德縣東  
北七十里

王伯大

墓

在霞浦縣東  
三十五里

孫翼鳳墓

在霞浦縣  
西南十里

陳普墓

在寧  
德縣

一百二  
十里

元王伯顏墓

在霞浦縣  
虎鎮塔下

韓信同墓

在寧德  
縣東北

十五  
里

明林聰墓

在寧德縣東北  
五十里水南湖

黃釗墓

在福安縣  
南白沙

祠廟諫議大夫廟

在寧德縣霍童山隋大業中諫議  
大夫黃鞠嘗鑿山之荒壤為田鑿

潤以灌溉之  
民立祠祀焉

薛補闕祠

福安縣有三祀唐薛令之  
一在城南明興文書院兼

祀宋楊復一在金山一在富溪

**七賢祠**

在府學內宋建祀唐林嵩宋林維屏張叔振孫調黃

幹楊揖林湜

**忠烈祠**

在寧德縣碧山祀唐黃岳

**三賢祠**

在福安縣西龜湖山下祀

唐薛令之宋鄭虎臣謝翱

**節孝忠勇祠**

在霞浦縣西門外舊以忠勇廟祀宋縣令潘中

節孝廟祀元州尹王伯顏明萬厯中合為一祠

**阮先生祠**

在寧德縣東北十五里祀宋阮

大成**朱韋齋祠**

在福安縣北龜齡寺宋建炎中韋齋常攜朱子寓此亦名晦翁書院一在

寧德縣察院西又霞浦縣西北來青書院初名學古齋霞浦縣東南正學書院俱祀宋朱松朱熹

**莊敏祠**

在寧德縣治右祀明尚書林聰

**懷德祠**

在霞浦縣東門外祀明知州歐陽嵩

**功德祠**

在寧德縣治左祀明都督戚繼光

**義勇祠**

在福鼎縣南秦嶼城北門明李

海寇攻城前後三戰張鷟等山志力捍禦  
計死難者四十三人後人為之立祠以祀

### 寺觀建善寺

在霞浦縣東門外華峯下唐景雲中建  
有松風繡谷二亭東皋湮樂臺諸勝

### 棲林寺

在福鼎縣西五里晉天福二年建又昭明  
寺在縣西八里梁大通元年梁昭明太子

建本朝乾隆二  
年拓建十八年修

### 龜山寺

在福安縣西八十里閩  
坑嶺唐開成中建宋朱

子與楊復  
講學處

### 支提寺

在寧德縣北九十里支提山唐  
咸通九年建又有小支提寺

### 鵲林宮

在寧德縣北霍童山下相  
傳為褚伯玉修真之所

### 三峯寺

在壽寧  
縣治西

一里宋淳  
化初建

### 名宦宋蔡高

仙遊人蔡襄弟景祐中尉  
長溪屢斷疑獄人稱神明  
黃琮莆田人  
元符中



尉長溪賊吏使民以憂去令鳩曹輔沙縣人元符中任寧德尉

錢以賄固辭徒步護喪以歸剛毅有為宋裴蒲田人宣和初令寧德性和易儲

境內井然淳叙晉江人宣和中令寧德潘中浦城人靖康改元

建炎二年建卒葉儂叛犯寧德中趙說之宗室建

率兵赴援力戰被執罵賊遇害寧德令操法明趙善志宗室淳熙初令寧德勸課

謹獄無冤民以利涉趙鎮樂清人嘉定中令長溪王十朋薦之

人德之趙時煥晉江人亦宗室子嘉定中尉鮑遜陽

不能趙時煥長溪政聲大著奸惡遠竄人淳祐中令長溪案無留牘會帥幕增設軍期黃

恪

南劍州人淳祐初令長溪築赤岸陂截溪流駢木為基壘巨石為三級灌田千餘畝至今賴之

鄭黼

崇安人淳祐中初置福安縣黼為令經畫疆邑科條井然李澤民淳祐八年

德政平訟簡創築東湖陂人稱李公隄

元胡璉

懷孟人至大中任福安縣簿持身廉謹建

學校造溪口諸橋民懷之

孟格特依

回回人皇慶中尹福安務農重穀政聲翕然孟格特

依舊作忙元

張伯顏

河間人至順初知福寧均賦役置學田育士州人祀之

高琛

燕山人至順初尹福安強毅正直敦勵風化

王伯顏

沾化人至正九年尹福寧

紅中賊入境伯顏率中子相引兵敗之已而賊大集還守州治守門者邀賊突入伯顏奮身力戰馬

中流矢遂被執賊知其名欲令仍尹州伯顏叱罵不屈賊怒遂遇害相亦死之相妻潘及二幼女皆

死同時邑人阮宗澤以巡檢家居張賢贊為福寧伯顏今率兵禦寇至古縣力戰死

判官十三年三月紅明尹昌隆太和人洪武間以中臨州治賢贊死之御史改知福寧縣

清勤自砥科差必驗丁而焦玉汝上人福寧衛副高下之吏無所售其奸千戶宣德五年寇

警從都指揮劉海收捕分兵哨至州東胡全吳山屯管洋山下與賊遇奮戰力竭死之

統中知寧德縣有時應才時軍書絡繹區畫隨宜鄭茂七叛卒入境率兵克其寨邑賴以安胡

晨英山人正統末任福安縣丞時鄭茂七倡亂晨備禦有方邑賴以安正統初歲侵晨稱貸於富

室不足乃盡借存留倉米發賑同官欲中請晨曰請則動經旬日民死過半矣有罪晨自當之全活

無劉象安福人成化九年縣復為州象知州事勤政惠民百廢具舉植松四萬株于龍首山

民比之  
甘棠云  
歐陽嵩

太和人正德中知福寧州開城東南河一千八百丈灌田數千頃復

買田貯穀以為  
後人疏濬之費

羅幹永豐人正德中知寧德縣性剛毅令行禁止幹倫子也人

稱其有  
父風  
張壁

六安人襲福寧衛指揮僉事任烽火寨把總破倭有功嘉靖三十八年倭

寇巖前  
戰死

鍾一元

秀水人嘉靖中知福寧州營西城六百餘丈甫竣而倭至守禦有備

民德  
程箕

績溪人嘉靖中官福安教諭倭入寇守西門督兵力戰死之

陳泗

人嘉靖間知福安摘奸鋤強  
每食只箸一器人呼為箸公

謝君錫

海陽人嘉靖中官福安訓

導倭陷城  
死于文廟

盧仲佃

東陽人嘉靖間知福安縣時邑初陷于倭積骸彌野仲佃竭力

撫循與民休息明年倭又  
薄城悉力固守賊遂遁去

張堯卿

番禺人嘉靖中任寧德知縣倭

犯城單弱無援夫死以守賊擁衆  
登陴耄卿手刃六七人城陷死之  
陸萬垓平湖人

知福寧州事至立斷兵興增賦力為節縮歲省金  
六千有奇客兵更戍創造兵營于城外處之萬歷

時臨川祝永壽知州事寬厚  
愛民釐奸剔弊人稱陸祝  
韓紹歸善人萬歷初

精勤請除臨海虛糧  
免站銀七百兩  
錢士鰲錢塘人萬歷中知福寧州吏治敏決閩關

山陬夫  
征無擾  
方孔炤桐城人萬歷中知福寧州始至建

諸生中中葉後舉進  
士官行人就義死  
霍騰蛟南海人萬歷中知壽寧縣順昌賊吳建鼓

衆謀亂騰蛟單騎往諭留三日示以  
禍福衆賊不敢害率官軍進討平之  
揭重熙臨川人崇

正中知福寧州以清廉明敏稱  
日與諸生講學論文士風丕振  
凌義渠歸安人崇禎間為禮

科給事中時與相溫體仁不合出為福寧  
叅政精勤釐剔一塵不染染士民戴之

### 本朝郭之秀

瀋陽人順治三年任福寧知縣時寇盜  
方熾之秀竭力禦撫會明末餘寇聚眾

焚掠督兵與戰吳允燁仁和人順治三年任壽寧  
為流矢所中死知縣山寇犯境允燁招集

義勇往禦勢寡不敵為所執腦箍懸樹罵不絕  
口而死妻翟氏聞之投繯以殉事聞予卹詹饒

### 崇秩

豐城人順治六年任壽寧知縣時值寇攘崇  
秩率兵討平脅從者悉請寬免全活萬計在

任五載鋤強輯眾張延統華州人順治十一年任  
威惠並著以遷去福安知縣未匝歲民懷

其惠聞父訃哀號七日而絕吳萬福遼東人康熙  
士民贖錢以殮并送其喪歸間任福寧總

兵官悍禦有方寇盜屏息狀逆叛萬福發兵拒戰  
死之合家見富事聞贈太子太保予卹廕入祠

忠祠 冷岐輝

嘉定人雍正十二年知福寧州事適州陞為府附郡設霞浦縣即管縣事經理

一切公廨壇宇皆井井有條時有冷慈父之稱

路以周

招遠人雍正十二年知福安縣修文

廟建尊經閣修學志培西郊水壩去之日人為立碑建亭曰路公亭

傅維祖

鄭縣人乾隆四

年知福鼎縣時縣初建凡公署學宮壇宇草創經畫具有條理

周天福

亳州人乾隆九年知

寧德縣戢暴除奸重儒興學士民祀之遺愛祠

蕭克昌

咸陽人乾隆二十年知福安縣潔已

受民修理學宮城垣捐膏火以造士因調入闈以勞卒士民哀之

唐五代 薛令之

字君選長溪人神龍進士閩士登第自令之始開元中累遷左補闕兼太

子侍讀謝病歸肅宗即位嘉其廉因勅其鄉曰廉村水曰廉溪

林嵩

字降神長溪人乾符進士

詞賦為一時之冠名除秘書省正字黃巢亂東歸  
觀察使陳巖辟為團練巡官轉度支使後除毛詩

博士歷官刺史有賦一卷黃岳長溪人唐末太學生王審知竊

樓雲百八大滌死鄉人為立祠宋周希古字叔信長溪人瑞拱進

作郎歷秘書丞知蓬州邱允字執中長溪人父朕

政績昭著終朝請大夫湘平反冤獄五十餘人歷知柳州南渡後召對允

孝為鄉黨楷模允舉元符進士授藥城尉調知寧疏勸勤政事任忠良遠奸佞帝嘉納改知惠州俗

信巫鬼病不服藥允焚巫祠間藥局卒贈朝議大夫楊惇禮字穆仲長溪人崇寧進士建炎初以御史

名與趙鼎同命惇禮辭曰艱難無從衛之勞時平享豐盈阮大成字希聖寧德人政和中以

之樂吾不敢也阮大成字希聖寧德人政和中以

三舍升國學靖康時李綱



罷斥大成同陳東等伏闕上書斥李邦彥  
白時中等之奸乞復用李綱欽宗從之  
**陳最**字季

常長溪人宣和進士官新昌丞會抗卒亂最單騎  
撫之賊曰陳公忠義虐之不祥遂送歸召對稱旨

授諸司糧料院出**楊復**字志仁長溪人受業朱子  
使川陝有平賊功**楊復**之門勁特通敏考索最精

真德秀帥閩即郡學創貴德堂以處之著祭禮十  
四卷儀禮圖十八卷又有家禮雜說附著二卷皆

傳於世  
**王定國**字安卿長溪人紹興末叩闕上邊宜  
十策高宗幸金陵復進十五事命從

趙端招撫山東時海州為紅中所據定國收復之  
攝州事興隆間守高郵城與金凡九十三戰皆捷

特創高郵軍簽判以**林湜**字正甫長溪人由富陽  
處之後官知高郵軍尉歷御史論劾甚銳出

為江西轉運判官歷太府司農卿韓侂胄讎逐正  
士呂呂儉貶嶺外湜見丞相余深曰呂子約南行

執奏收回大臣責也不聽乃請外除湖北轉運副使進直龍圖閣致仕朱子被斥士皆遠嫌湜獨執弟子禮不變所著有集隱集

**楊興宗**

字似之長溪人少師鄭樵復執經林光朝之門舉紹

興進士調鉛山簿孝宗登極湯思退主和議連書抵東府爭其非思退怒已而遷校書郎與林光朝校文省殿擢鄭僞蔡幼學陳傅良時稱得人轉宣教郎權尚書司勳郎論張說不當與趙汝愚同除拜不報乃丐祠

**王宗已**

字子由長溪人紹興進士授贈城令治為嶺南第一孝宗書其名於

御屏終朝奉大夫

**張觀**

字遠之長溪人太學生隆興中金人渝盟侵擾淮甸觀率諸生七十

二人上書請斬湯思退等而用陳康伯胡銓以濟大計言甚切直任終新城令

**林維屏**

字邦

援長溪人通詩書三經梁克家判福州延禮郡庠講道授業一時學者雲集所著有易春秋等論

韓柳辨疑  
語錄諸書

**楊楫**

字通老長溪人淳熙進士剛介有  
守調莆田尉閩帥程叔達移縣括

逃田捐力疏其不便漕使林祈異而薦之累官司  
農寺簿劄論進君子退小人語多風厲轉少卿尋

出知安慶  
終朝散郎

**高頤**

字元齡寧德人經明行修從游者  
幾千人慶元進士知永州東安縣

居官臨民卓然有聲平生博極羣書著  
雞臆叢覽百五十卷詩集傳解三十卷

**鄭師孟**

字

卿寧德人家貧力學六經註疏手自抄錄從朱子  
游黃幹妻以女曾著洪範講義發明皇極之蘊

**黃泳**

字潛夫長溪人慶元中禁偽學泳  
試策排斥異端力宗朱子之學

**林駒**

字德頌  
寧德人

清修苦學博極羣書九經註釋暗記成誦尤習當  
代典故著源流至論皇鑑前後集後同邑王履翁

字吉父更為外  
集十卷行世

**林仲麟**

字景冲寧德人太學生慶  
元間趙汝愚以讒被貶仲

麟同楊宏中等六人伏闕上書乞救觸權奸怒送  
毘陵編管時稱慶元六君子嘉定中詔加褒錄弟  
仲虎開禧間副李壁  
使金亦以風節著  
**王伯大**字幼學長溪人嘉定

東提舉常平知臨江軍歲飢置荒政局延客究古  
今賑濟法全活甚衆端平中累遷直寶謨閣樞密

副都丞告右司郎中進對直言無所諱淳祐八年  
除叅知政事歸督漕於閩命縣令築營田陂卒謚

忠  
**李鑑**字汝明長溪人嘉定進士官廣東提舉平  
易近明尤曉兵事嘗督捕黠寇擒之領州

符海寇憚其威遁去值兩浙飢運米活衆素從黃  
幹楊復游歸與同邑龔郊創建講堂推明師說著

有和  
**孫翼鳳**字昭瑞長溪人穎悟絕倫以鄉舉入  
太學史嵩之謀起復翼鳳率同舍生

黃伯愷金九萬等攻之又斥和議事言甚剴切紹  
定中與兄附鳳同登進士累官簽書樞密院事

黃幹

字尚質長溪人師朱子著述甚富餘千饒魯幼從幹遊寧德李鑑亦師之所著有誨語

官至直學士與三山黃幹別為一人

余復

字子叔寧德人紹熙初策士大廷光宗覽復對曰余

復直而不訐懼第一賜之詩寧宗即位詔入史館兼實錄檢討著有禮記圖說

趙萬年

字

叔長溪人慶元武舉為襄陽制置司幹辦官開禧二年金人圍襄陽宣帥諸司相繼遁萬年繕兵時

糧力贊招撫使趙淳為死守計相拒九十餘日賊遁去以功進武德大夫有守城錄及裨帷集陳

經

字正甫長溪人慶元進士官終奉議郎性沈潛多所著述有書解五十卷行世

高伯璵

字汝諧寧德人順子學問醇正踐履篤實留心關洛之學有會粹古今事類二百卷集關洛諸公語

為傳心直指十卷

林子雲

字質夫長溪人寶慶進士融州教授潛心聖學躬行實體多所

自得著易說十卷

**鄭士懿**

字從之寧德人端平進士時真德秀知貢舉得其卷曰經世才

也歷官太學博士出知武岡軍公明廉慎著有定齋集

**鄭君老**

字邦壽長溪人咸淳進士

乞歸養親而宋亡入元知君老者交薦于朝竟不起卒學者私謚曰靖節

**謝翱**

字準羽福安人

父鑰有至行翱徙居浦城元兵南下文天祥由海上至閩檄州郡大舉勤王翱傾家資率鄉兵數百

人赴難遂參軍事天祥轉戰閩廣至潮陽被執翱匿民間後之浦陽依方鳳及永康吳思齊以居會

稽唐珏座諸陵骨於蘭亭種冬青樹為識翱實與其事嘗為作冬青樹引間者莫不洒泣年四十七

死方鳳等葬翱於子陵臺南

**陳普**

字尚德寧德人居石堂山學宗度源輔廣廣朱子高弟也

八元三辟為本省教授不起巍然以斯道自任四方及門者數百人嘗聘主雲莊書院晚居莆中造

就並衆其學以真知實淺求無愧于古聖賢而後已所著書甚多亡逸過半明嘉靖中閩文振輯其

存者為石

元王都中

字邦翰福寧人以父積翁奉使日本遇害特授平江路治

中時年十七遇事剖析動中肯綮秩滿除浙東宣慰副使終江浙行省叅知政事歷官四十餘年治

郡之績雖古

王薦

字希賢福寧人性孝而好義父疾甚夜禱于天願減年以盡父

壽父絕復甦曰適有神人語我曰汝子孝上帝賜汝十二齡後果十二年終母病渴語薦曰得瓜渴

可止時冬月求不得行至深深嶺值雪避樹下思母病仰天而哭忽見石岩間青蔓離披有二瓜焉

因摘歸奉

陳陽盈

字子謙福寧人字天錫以文學歷官知福清州陽盈為泉州稅

課副使憂歸至正十二年寇攻州知州王伯顏檄陽盈帥民兵拒敵陷于賊賊脅之降湯盈大罵與

義士湯成

陳端孫

字伯都福寧人登武舉首授總管府錄事四遷至福建宣慰都

元帥鎮福清州時陳友定欲據八閩勒兵侵境端

孫率衆拒之中流矢被執友定脅之從端孫罵曰

我家三世仕元肯從汝反乎友定

韓信同

字伯循號古道

怒殺之其妻孫氏挈女投井死

寧德人從陳普學究心濂洛閩關之說普歎曰吾

老矣得斯人飲水俟命何憾延祐四年應江浙鄉

舉不第歸即杜門不出弟子捫衣受

明江得澄

教者屢滿戶外有韓氏遺書二卷

魯福安人與弟得漢友愛四世同居元季兵亂負

親避難遇賊傷臂賊感其孝而舍之合家安焉

程宗儒

福寧人檢身勵行洪武初舉明經訓導多所造就著五經蠡測五卷

韓孝標

昌福安人孝友天至親歿廬墓三年教授海鹽知縣暇輒至墓所拜哭洪武間舉孝廉授海鹽知縣



周斌

字質夫寧德人洪武五年鄉薦為建寧教授撰賀雲南平表稱旨賜金幣秩滿陞齊左長

史以疾卒初楊榮少時斌見而奇之親授以業語之曰子器識非常他日大就惜余老不及見也後

果為名臣陳奇字器之福安人領鄉薦擢御史永人服其鑒

之寇至錡勤兵戰孤陳琦字公琰福安人永樂進軍不支被執死之

授江西按察僉事能池斌字仕全福寧人正統末斷疑獄時稱神明

外出賊熾火災其父以脅財斌至賊所抱泣請代賊釋其父炙斌至焦爛不死因得與父放歸後以

壽終林遂字元成福寧人正德進士官南京大理寺副嘉靖初陳九事帝納之擢湖廣按察司

僉事賑裹汚飢活萬餘人又尋遷四川副使平酉陽亂官至貴州叅政致仕歸囊無餘貲著有石壁

林聰

字季聰寧德人正統進士景泰初為吏科都給事中風采凜然額森送英宗歸聰請

備饗與鹵簿從之遂迎復如禮遣春坊司直仍補給事時吏部尚書何文淵以選法不公為聰論罷

其黨劾聰左遣國子學正英宗復辟擢僉都御史歷官刑部尚書卒諡莊敏公額森舊作也先今改

正周樸

字懷玉福寧人嘉靖初舉於鄉從呂柟學以潛心力行見稱判廣州斥絕番舶常略

署庠度贖錢商稅悉籍庫時有事安南軍軍興數萬一無所染歷任恩恩知府歸阮貢

縣人三歲而孤母卓氏力貧守志貢事之盡孝母病湯藥必親嘗目不交睫者逾月母卒朝夕哀慟

既葬刻木為母像事之如生

林愛民

字子之福寧人嘉靖進士授嘉靖主事權尋陽先是

司關令有拯溺物者賞愛民至令救人者賞倍之全活甚衆坐事判嘉興偽變築桐鄉城工成而寇

至城賴以全  
擢廣東僉事  
**黃乾行**  
字大同福寧人友愛好義兄  
病夜覓醫於鄉遇虎不顧登

靖進士歷戶部郎中出守  
重慶愛民誨士卒於官  
**郭文周**  
字景復福寧人  
嘉靖進士授中

書舍人改御史鯁直有風裁  
世宗命再往粵人益肅然  
擢順天府丞論劾趙文

華忤嚴嵩致仕歸著有臺中奏  
議按粵封事觀風漫興東山集  
**黃釗**  
字珍夫福安人任溫州府

同知為人英毅有畧嘉靖中倭自福寧向溫釗發  
兵拒戰於水北州身先士卒賊伏四起官軍潰同

事者皆奔竄釗自麾  
兵抗賊賊支解之  
**李泰**  
字文亨福安人官龍泉  
教諭嘉靖中礦使寇邑

泰率衆戰於萬  
壽橋下死之  
**詹鎬**  
字德武福安人通判坤之子  
嘉靖中倭陷城鎬不屈罵賊

死時諸生郭大科郭大乾死城守  
國初吳廷珙罵賊支解皆稱志士  
**陳繼盛**  
字朝嘉福寧人

事父至孝官遂昌訓導遷興寧教諭處州州冠  
為梗單車諭降之轉國子助教以母老乞歸 陳

宸

字邦進寧德人嘉靖進士官御史敢言不諱巡  
按江西時夏言欲毀民居以益園囿上書諷之

人為之危宸曰吾寧危一身忍見百姓離析之慘  
夏憾之謫泗州久之移慈溪令歷遷廣西左江守

備著騶

陳富春

字必亨福寧人以隆慶選貢授濟  
寧州判却羨金監泰山香稅一無

所取違魯藩經歷謝病  
不赴著有岱宗小史

游樸

字太初福寧人九歲  
能屬文舉萬歷進士

授成都府推官歷遷刑部郎中三  
主法曹無一冤獄仕終湖廣叅政

白受采

福寧人  
世官百

戶父麟嘉靖間委守白鶴嶺倭陷寧德麟坐罪繫  
獄萬歷初賊陷大金松山采同弟祥自陳願擊賊

報効贖父罪竟以失援  
死州旌其門曰孝義

張萬紀

字汝守福寧人世  
襲福寧衛指揮僉

事官桐山北總善以賊捕賊賊無所匿每破賊巢  
傾所獲盡散之士卒故樂為用歷官昭平叅將每  
戰身雖士伍隊中親冒矢石暇則讀書賦詩若不  
知兵者萬歷中官惠潮副將征瓊崖黎蠻中流矢

死

**陳勗**

字世勉寧德人萬歷進士知餘姚縣三遷  
廣東叅議謝病歸再起廣西副使知兵左

江是時川貴會征楊應龍勗因簡土司兵數千人  
往反破之會皮林蠻反遂晉勗監軍叅政協勤生  
擒苗首撫降萬

**崔世名**

字徵什寧德人領萬歷鄉  
薦任巴陵令以忤瑞劑籍

計以積勞卒  
歸尋擢浙江運副再推  
連州知州以詩著名

**吳中藻**

字薦叔福安人崇  
禎庚辰進士授行

人明亡中藻正衣冠坐廳事吞金不死遂自縊  
本朝乾隆四十一年賜諡烈愍同邑舉人繆自

珣亦死之本朝乾隆四  
十一年予入忠義祠

本朝葉有挺

字貞夫壽寧人康熙庚戌進士十三年

歸省母逆黨逼脅有挺泣告母曰兒  
不得長侍膝下矣遂走山中絕粒死

流寓五代許光大

沿海都巡檢寓居研江寇至  
力戰死鄉人即其地祀之宋朱

松

建炎中嘗攜子熹寓福安之龜齡寺寧德之西  
龜山寺後熹于慶元間亦以偽學之禁避地焉

從遊甚衆黃幹楊楫林湜高松  
駿鄭師孟龔郊張沐其最著也

鄭樵

莆田人受  
學于長溪

今州東北激溪之西靈  
峯寺蒙井有樵題咏

陳傳良

遂安人寓居長溪  
周大山有紀咏鐫

石林復楊興  
宗與之友

明馬思聰

莆田人宏治中為諸生講  
學于南禪寺後使江西死

宸濠

之內

列女唐黃岳妻林氏

長溪人岳不受偽閩之辟投淵死氏哭曰夫能為忠臣氏獨不

能為烈婦乎

宋鄭貞娘

長溪進士鄭君老妹受林森聘未行元兵南下賊俘

掠里中小婢奔告曰賊已至門奈何元李午妻張貞娘神色不動取刀自刎年甫十八

氏

本鄒平人午同從子零成福寧死張力作養舅姑舅姑歿嘆曰夫死千里外不能歸骨奚以生

為遂書事衣背行丐至閩見零問夫葬處則荒莽莫辨矣張哀號幾絕忽有童子午憑之言曰西郊

夫人橋我葬處也張啓視得之時骨祝曰誠妾夫也入口當融如雪黏如膠已而果然遂與零護喪

歸至正林氏女

福寧人袁天祿屠其家驅女以行女不從殺之其兄林克咸妻陳氏

倉卒聞變扶姑抱子遁去潛依明彭祖振妻黃氏

名昭娘寧德人年十七歸祖振祖振素有痿疾事之無怨色居八載而祖振亡昭娘猶處女也有謀聘之者誓死不從撫姪為嗣以節壽終

朱祚妻顧氏

福寧人少適祚祚貧且嬰疾顧

驚奮具以供藥餌祚死顧年二十六無子盡鬻釜甑陶器之具莫夫子木梳山父母強之歸不往絕

粒七日

包壩妻曾氏

名羅蓮福寧人許聘未婚壩而死家曰替父不悅會壩死父喜

曰吾女脫苦矣女泣曰兒雖未行父當往弔父如言往女遂自盡

劉廷興妻陳氏

福安人氏與夫及姑俱為倭所掠謂夫曰妾死不足惜姑與君奈何乃紿賊以身為質釋廷興母子

歸取贖金度去杜應鴻女

字叔真福寧人年十七從母避賊走海上賊追

至女投海

陳翰妻林氏

寧德人與夫同執倭營告夫曰不幸至此勢難兩全



我有死而已君歸撫子母相念也乃以林鴻漸妻計脫夫出營歎曰吾事畢矣遂赴水死

崔氏

寧德人為倭所掠不屈被殺已而

漁者妻

遺其

姓氏從夫徙福寧古縣夫死不能殮慟哭三日殯屍海濱躍入海中死

李津妻黃氏

壽寧人年二十五夫卒兄嫂逼之嫁氏剪髮自誓嫂曰髮可短亦可長也遂自盡

黃釗妾

卓氏林氏

福安人釗死卓年十九林年二十八嫡室陳氏憐其無出試遣之二氏鰥容自

誓乃相依守節而終

本朝朱廷璋妻張氏

霞浦人夫歿家赤貧氏撫孤無二志康熙二十四年旌連

孟斛妻李氏

霞浦人與子邦品妻倪氏孫鳳陳端德妻鄭氏三世孀守人以為難

淙妻池氏

福安人年二十五夫亡廿

吳邦畿妻夏

氏

壽寧人年甫十七夫亡無子翁姑令改適

林子

侯妻趙氏

寧德人年二十二夫卒止生一女氏

張

守符妻江氏

壽寧人寇亂被掠氏投崖死

林公興妻符氏

壽寧人年

二十六為土寇所掠強污不從投河死

林朝綱妻李氏

壽寧人寇亂被掠欲污之

百般誘脅終不屈賊怒支解投河中

吳瑞雲妻郭氏

福安人未婚瑞雲客死氏聞訃

毀容慟哭及櫬歸哀麻往迎絕食而死同邑林時亥妻柳氏名端娘亦未嫁死節

陳芳名

妻林氏

名聚姐寧德人年十九許聘未嫁聞芳名辛悲號自縊夫家迎歸與芳名合葬又同

邑黃元昌聘妻林氏以遇寇不辱死

**藍氏女**

名銀娘霞浦人年十九遇暴不污服毒死乾隆

年間建坊旌表

**危彬妻鄭氏**

霞浦人夫亡遺腹生一子訓誨成立事舅姑以孝聞

乾隆年間

旌表又同邑張士光妻林氏王薰未婚妻陳氏盛天宜未婚妻童氏王挺未婚妻方氏林

天寵未婚妻曾氏俱乾隆年間先後旌表

**黃天第妻王氏**

福安人夫亡紡績奉

姑撫孤成立雍正年間

旌表又同邑節婦吳瑞彪妻劉氏鄭如金妻王氏蘇洋妻劉氏陳桂妻毛氏葉

文鵬妻黃氏林永六妻李氏鄭仁彥妻王氏鄭尚儲妻劉氏郭秉絨妻余氏林萬上妻周氏林兆縱

妻李氏林良璣妻金氏劉萬淇妻王氏又貞女鄭頌華妻林氏劉肇渤妻陳舜英俱乾隆年間先後

表

**旌黃有達妻郭氏**

寧德人夫亡家貧撫二孤成立雍正年間旌表又同邑節婦

吳兆穆妻陳氏李學琇妻林氏李舒祐妻潘氏林啓祥妻陳氏林韜未婚妻黃氏左振妻陳氏左翼

妻馬氏俱乾隆葉長青妻繆氏壽寧人夫亡失年間先後旌表志苦節又同邑

節婦葉師和妻徐氏葉仲先妻許氏葉春先妻吳氏夏華珩妻劉氏夏華瑀妻劉氏李秉鉉妻葉氏

俱乾隆年間江子盛妻鄭氏福鼎人夫亡死節先後旌表乾隆年間旌表

仙釋太姥

帝堯時人以練藍為業有道士求漿母飲以醪道士授以九轉丹砂之法以七月七

日乘龍馬上昇今晉葛洪字容父嘗煉丹於溫麻太姥山以此得名縣今名其山曰洪山

唐司馬承禎

修煉于霍童陳蓬號白水仙乾符中駕舟從海上來家

於後崎與林嵩有詩文之雅後不知所宋楊彥國之著有陰陽書七十二卷星圖一卷

福寧人入太學崇寧間退隱方著易解夜忽光明  
由頂而出遂崇內典棲才山號太姥居士著楞嚴  
解元周興能寧德人嘗學道於福寧水西觀後返  
怡雲堂學煉丹之法道成元統間別

怡雲堂香  
爐上昇

土產鐵

寧德縣出  
今有治

鹽

霞浦福鼎俱出  
有鹽場州志福安寧德涵水味

薄用火熬汁十  
錫止可得一鍋茶

山園俱有  
惟白琳多

藍靛

府境俱有又漳  
汀流寓之民開

地種菁草絞  
其汁成靛

穀紙

出府境  
杯洋

欽定大清一統志卷三百三十四

𡵓

𡵓

𡵓


𡵓

臺灣府圖









臺灣府表

西漢  
三國  
晉  
宋齊  
梁陳  
隋  
唐  
五代  
宋  
元  
明

臺灣府

臺地

東蕃地

紅夷地

臺灣縣

臺地

東蕃地

紅夷地

鳳山縣

臺地

東蕃地

紅夷地

諸羅縣

臺地

東蕃地

紅夷地

彰化縣

鹽池

金匱山房

東嶺地

紅夷地